

永順縣志卷八

雜識

春秋時楚子滅巴巴子兄弟五人流入五溪各爲一溪之長其中有與大江合者有與異者曰辰其與大江合者也曰濞曰雄曰楠其不相合者也曰酉相合而仍異者也其相合而仍異者又有小酉溪溪在酉口之內自苗地百里外發源望東而合酉江楠溪自酉陽入入於上也酉溪自酉山入入於下也

濞水本作無亦曰舞一作濞又曰巫一名而五書出古丈坪界乾州廳武山山半有石貌狗而人立俗以爲槃瓠考應劭書謂高辛氏之犬名曰槃瓠妻帝之

永順縣志

卷之八

雜識

女乃生六男六女自相夫婦是爲南蠻其說誕甚案伯益經云卞明生白犬是爲蠻人之祖卞明黃帝氏之曾孫也白犬者如後世之犬子豹奴云爾非真犬也况其說云募有得犬戎吳將軍首者黃金千鎰邑萬家妻以少女豈知金古以斤計秦始皇曰鑑三代分土漢始分人將軍爲周末之官吳姓至周始有是何足以誣高辛氏哉

明天啟初有張姓自豫章廣信府來永應宣慰聘也時天師授以上帝真經三卷上有天師硃印歷二百餘年顏色鮮明如故現存舊司城玉皇閣香火供奉每值旱邑人齋戒沐浴請經虔誦卽雨

舊司城祖師殿晉天福二年建也正殿柱四大數圍
上架木枋其接筍處無斧鑿痕迄今不偏真神工也
相傳爲魯班顯靈所建云

永邑山多田少山農值歲歉春耕無資每收穫後採
葛蕨根槁粉爲餅以備充飢年愈荒葛愈多民仰食
於葛蕨若富戶然故歷來葛大蕨二有大富之稱
城南三里許河側有溫水塘約數丈餘水中煙氣常
沸邑人澡焉而其尤異者凡有瘡疥沐浴立瘳人咸
謂下有硫磺故水熱能解毒云

舊司城祖師殿鑄銅像手執七星劍重九觔上列七
星光芒射日有盜劍去者行數里雷電風雨盜懼負

永順縣志

卷之八

雜識

二

劍還廟謝神風雷始息

明萬歷初宣慰彭元錦奉命征滇蠻關聖顯威十八
戰皆克凱旋建關帝宮鑄銅像並置木鼓銅鐘其鼓
係大楠木挖空其鐘聲聞數里

城北三十里有萬笏山氣象岬嶭若笏插天頂建祖
師殿每歲常有雷神掃殿經久方去山僧見慣亦不
甚駭其神最靈香火絡繹

城西山皆石壁臨河下半空潭傳有魚大如船潛水
底不輕出人若見之卽爲死亡疾病之兆

城南河中傳水臥大楠木每值潦漲橫截水底致水
高十餘丈妨害居民昔有守令登城放礮始消

自戊申己酉連歲荒歉斗米值錢三千六百民有食
土與草而病死者有以一粉團易一婦者有以錢四
百文買一婦一女一子者當其時藉非賢守令多方
運穀賑飢平糶永人幾無遺類矣

咸豐年間上柳保有桐木生成一刀不假彫琢後數
日永郡有石逆擾邊之患

毛人者宣慰彭肇槐之麾下將也身長丈二有力製
鐵盔重十餘觔爲征戰所戴現存科東彭姓家

舊司城土司穴南北兩洞石黝焉深二尺寬丈餘暑
居涼風洞衣絲不熱冬居熱風洞暖風細縵衣裳常
汗

永順縣志

卷之八

雜識

三

三鳳灘下有虎口巖下深潭凡船貨溺水多不能得
有善水者入潭至底見神淨猛坐守所沈錢物其人
不敢前

城南三里許山重水複若無徑行至其處石門高啟
左右石壁少憩其中風生襟袖與塵境別真仙境也
士大夫遊觀至此或詩或文俱勒石以紀勝

北河灘之最險者鳳灘上卽茨灘灘深不可測有巨
石橫亘其上舟觸之輒碎行者苦之同治辛未冬永
順府縣初設救生局禱於神謀鑿之時十月下浣工
甫興忽大雨河水驟長木人泛巨筏而下觸石筏解
石亦隨沒入水自是而茨灘巨石不爲患行舟歡怵

因新灘廟以酬神亦異事也

按土俗所祀天王平苗時屢顯威靈報賽甚豐以小暑節前辰巳兩日爲禁屠宰止釣獵不衣赤不作樂開禁獻牲後方如常日

各書載天王姓名事蹟不同辰州誌以爲漢田疆之三子分居中城上城下城自保以拒王莽者然今神像只三子果爲疆子則三子之忠義皆秉其父命不應舍父而祀其子且東漢建立中武陵蠻不靖朝廷屢用兵伏波將軍進征至壺頭疆旣以漢自矢不應史傳中無田姓子弟從役伏波者則未可據也

苗防瀘溪各誌述史記西南夷傳剖竹中得小兒長爲夜

永順縣志

卷之六

雜識

四

卽候漢武誘殺之子三人皆蠻夷俗所推而第二子尤雄勇後人以竹王非血氣所生有神靈爲立廟以祀今廟中神狀三郎尤猛烈爲蠻所畏當卽此也但夜郎地在楚蜀之間爲今施南一帶去五溪尚遠又蠻民所虔祀者竹王亦不能舍竹王不祀

永綏沅州誌中言有辰州人楊名瀨者弟兄三人皆爲宋驍將當苗出沒爲害領衆擊之知苗貪飲食多宰牛豕煮之懸林間苗爭相食啖出不意大破之遂開九溪十八洞僅畱吳石龍麻廖五姓殘苗後反命人忌其功遺以藥酒同時俱殞乃小暑節也今此節爲蠻民所最重且楊墓在黔陽託口似實有所據而

頌以他書楊產靖州墓在黔陽爲疑不知沅靖二州
未時皆江南地本羈縻於辰州且如辰誌所言則必
在拒莽而於蠻無功如史記所傳則特蠻中祖先槃
瓠廩君之屬亦不必爲蠻畏如此獨所謂楊氏兄弟
者能捍大患而以死勤王事爲蠻民所憎服宜其沒
而蠻猶懼之也

省誌載楚紀云彭城本江西吉水人後徙上溪州仕
唐爲檢校司徒辰州刺史梁開平四年吳敖駢圍赤
石城調所部征之被執不屈闔門遇害按此則忠義
之氣死而無愧其歷世不替者皆蠻夷大長老夫臣
所貽也

永順縣志

卷之八

雜識

五

國朝順治四年九月王進才馬進忠二賊由永順逼保
靖巴勇地方保靖宣慰彭朝柱分兵堵截賊退紮永
順西古村安布子營七處十二月又引馬騎數千於
永順地南渭州渡河攻保靖

原日土司綺柱彫梁輒瓦鱗砌百姓則又木架屋編
竹爲牆舍把頭目許豎樑柱周以板壁皆不准蓋瓦
如有蓋瓦者卽治以僭越之罪俗云只許買馬不許
蓋瓦

峰尖嶺畔准其墾種平原處荆棘蔓塞不許開墾土
司之法所以守險而戒敵也

明代土司最重蓋藉以防苗也辰州府志載永順司

約束鎮苗保靖司約束箠苗每歲俱有擔承認結到部舍把頭目日食口糧

土俗耐勞習儉勁勇善鬪沿邊苗寨雖獷悍於土官決不敢輕犯自宋元以來有事苗疆搜山焚箐無役不從蓋亦以夷制夷之意云

苗防

附錄土司輯畧

屬於邑者其人與事皆宜錄古今一也何附乎曰土司也何異乎土司曰以土司為職官非流官也以土司為人物非齊民也然竟不錄焉其於邑之人事毋亦太畧於考古乎故錄而附之

彭輔為唐懿宗朝進士仕金紫光祿大夫生子彬玨勸玨城五人為楊行密之戰皆流散玨沒於楚而玨則以功封大爵楚王馬希範娶玨之女 按綱鑑晉

天福三年楚王夫人彭氏卒鑑云彭夫人貌陋而治家有法楚王憚之及夫人沒楚王始縱聲色之樂欲寵姻戚因銅柱之役俾城生子彥晞改名士然襲職一作士愁

永順縣志

卷之八

雜識

附錄土司

七

自置刺史以長子師裕次子師杲分領其眾師杲為保靖司師裕為永順司

彭城江西吉安府吉水縣人仕唐為檢校司徒辰州刺史後仕梁仍其官開平四年吳敖駢圍赤石城調所部溪州兵征之故又云溪州刺史戰敗死之闔門殉焉子士愁遂有溪州地為永順土司之祖

彭勝祖元溪州刺史大德以後苗蠻叛服不常命梓材為永順等處安撫使往招之如故廷議勝祖有智畧授安撫使司安撫使長諸蠻勝祖死子萬潛和輯其眾二十年間蠻地不靖永順獨安

彭天寶明洪武三年率諸崗蠻內附詔為永順宣撫

使進階宣武將軍六年陞宣慰使天寶性豪爽進退諸蠻賞罰必信時大小鉛廠驕悍不法調天寶討降之旋復征安福夏二向天福等所向皆捷有明以來土司立功天寶實倡焉

彭世麒弟世麟子明輔明宏治間爲永順宣慰使征黔南及米魯賊歸有功進階昭勇將軍賜麒麟服尋卒世麟襲世麟結婚於藍廷瑞蜀酋也正德六年廷瑞叛僭號寇楚官軍扼其糧道廷瑞懼約會世麟謀請緩剿世麟伏兵禽之繼以官軍大捷七年河南賊劉二等嘯聚詔咸甯伯馳討世麟命明輔以軍隨初世麒謂弟才瀕死囑子毋爭故世麟將使明輔以功

代已也明輔亦知世麟予已而不欲違父命也既而明輔殺賊酋膺詔命十年卽致仕世麟故亦致仕明輔不獲已復奉檄征銅仁苗討香爐賊搗七堯寨戰無虛日旋以勞憊又致仕長子宗漢職焉宗漢卒次子宗舜繼焉迨宗舜卒明輔仍以朝命視事三十三年冬調永順土兵協勦倭賊於蘇松明年致仕宣慰彭明輔率兵二千會於松江與保靖夾擊賊奔王江涇是役也倭狃於常勝以輕敵先是永順兵曾勦倭於新場保靖兵先以誘陷永順土官田豐田蓄繼以陷死及王江涇之戰保靖騎之永順角之斬獲一千九百餘級倭爲奪氣蓋東南武勦惟此與世麟計禽

獨曾並稱云

彭宗舜明輔子也常與其子翼南討賊明嘉靖六年廣西思恩賊叛奉新建伯檄討降之旋討潯州賊又降之三十二年攻克臘耳雷公諸山及糯塘岳口諸寨復進臘耳山後攻克木葉諸山及治古諸崗上下塘諸寨斬首生擒無算翼南與有力焉當是時土兵驕甚宗舜於前年領兵入高岳寺守備既又領兵勦克捌鬼朦朧瓦轟巴龍都庫等處左右紛遣調馭無方至是疲病交牽及其卒也朝廷嘉其忠而惜明輔之晚年喪子故松江之役命翼南統兵隨明輔於會賊平授翼南昭毅將軍翼南又奉調征粵征浙以功

永順縣志

卷之八

雜識

附錄土司

九

論賞詔爲右布政使並加明輔都指揮使慰明輔也宗舜其不死歟

彭宏澍 國朝順治四年恭順王臨辰州率子肇桓領所轄三知州六長官三百八十崗苗蠻內附八年高季賊逼境宏澍擊之十三年給印信加太保彭廷椿康熙十年吳三桂叛踞辰龍關授廷椿僞印椿繳於 朝率勁卒三千駐王村控賊上游由高望抵辰州境並獻雷公嘴鐵廠等地奉

旨賞其子宏海總兵銜令進勅宏海率土兵協擊走之

彭肇槐宏海子恭順柔和鄰郡賢之有楊凱者鎮算總兵也以事道經永順槐以納土意商場躡焉槐遂不

謀於舍把人等率子景燧造具家口冊籍繪所轄輿
圖赴大府陳請

朝廷命官詢查誠僞辰沅永靖道王彙

陸陳實情奉

旨俞允授槐參將賞銀幣予以拖沙喇哈番世襲罔替著將
家屬安插原籍

永順縣志

卷之八

雜識

附錄土司

十

輯畧

南渭州土知州世襲

彭萬金 元安撫使司明洪武二年陞知州

彭金勝 洪武三年任

彭什才 永樂十年任

彭律恕可宜 什才子未任

彭始王俾 律恕可宜子未任

彭清 律恕可宜次子景泰二年在

彭蒼卽送 清子未任

彭定 清次子洪治六年在

彭慨王俾 定子未任

彭良誠 慨王俾子襲任

永順縣志 卷之六

世襲州

十二

彭章 良誠子襲任

彭世忠 章子襲任

彭正 世忠子襲任

彭應麒 正長子襲任

彭應麟 正次子襲任 國朝順治四年同土司歸

順

彭凌高 應麒子襲任

彭國 凌高子襲任

上溪州土知州世襲

張義保 土名張麥且踵明洪武三年內附陞知州

張友謙 永樂十五年在

張安 友謙子襲任

張信 安子正統十四年任

張必華 信子未任

張宗保 必華子襲任

張大本 宗保子襲任

張良輔 大本子襲任

張鳳來 良輔子襲任

張之本 鳳來子襲任

張漢卿 之本子襲任

張漢相 之本次子襲任

張漢儒 之本三子襲任

永順縣志 卷之八

土知州世襲

十三

施溶州土知州世襲

田健霸 元治崖安撫司明洪武三年內附陞知州

田金隆 健霸子襲任

田建賢 金隆子襲任

田旺 建賢子襲任

田潤 旺子未任

田廣 潤子襲任

田貴 廣子襲任

田榮 廣次子襲任

田萬年 榮子襲任

田可多 萬年子未任

田稔 可多子襲任

田茂年 稔長子襲任 國朝順治四年同土司投

誠

田茂禮 稔次子襲任

田永豐

驢遲崗長官司世襲

向達迪 元時崗民總管

向爾莫踵 達迪子襲任明洪武二年內附改陞長

官

向達 爾莫踵子未任

向敬 達子正德十四年任

永順縣志 卷之八

長官司 世襲

向麥帖送 敬弟襲任

向安 麥帖送子成化元年任

向忠 安子成化十九年任

向陽 忠子襲任

向永勳 陽子襲任

向天麒 永勳子襲任

向世臣 天麒子襲任

向光胄 世臣子襲任 國朝順治四年隨土司納

款投誠

向國屏 光胄子未任

向錫爵 國屏子襲任

臘惹崗長官司世襲

向孛爍 元時洞民總管

向世貴 孛爍子襲任明洪武二年改陞長官

向順 世貴子襲任

向忠 順子正統二年任

向源 順次子成化元年任

向勝祖 源子洪武十三年任

向仕龍 勝祖子襲任

向鑾 仕龍子襲任

向本良 鑾子襲任

向九齡 本良子襲任

永順縣志卷之八

長官司 十五
世襲

向任朝 九齡子襲任 國朝順治四年隨土司納

款投誠

向中泰 仕朝子襲任

向中和 兄終弟繼襲任

麥着黃崗長官司世襲

黃麥和踵 元時洞民總管

黃答谷踵 麥和踵子襲任明洪武二年內附改長

官

黃大洛踵 答谷踵子襲任

黃珍 大洛踵子成化十四年任

黃先 珍子正統十四年任

黃勝 先子成化十四年任

黃敬祖 勝子未任

黃金 敬子襲任

黃廷正 金子襲任

黃臣 廷正長子未任

黃相 廷正次子襲任

黃世忠 相子襲任

黃甲 世忠子襲任

黃詔陞 甲子 國朝順治十五年任

黃正乾 詔陞子襲任

施溶尚長官司世襲

永順縣志 卷之八

長官司 世襲

汪良 元時會溪巡檢明洪武二年改陞施溶尚

長官司

汪通 良子襲任

汪彪 通子襲任

汪蔭 通次子襲任

汪忠 蔭子襲任

汪勝霖 忠子未任

汪相 勝霖子襲任

汪汝海 相子襲任

汪一龍 汝海子襲任

汪源清 一龍子襲任

汪世忠 源清子襲任 國朝順治四年隨土司
款投誠

汪國仕 世忠子襲任

汪文珂 國仕子襲任

田家崗長官司世襲

田勝祖 元時崗民總管明洪武三年內附陞長官
司

田麥依送 勝祖子襲任

田麥和送 麥依送子襲任

田勝 麥和送子襲任

田麥答送 勝子未任

永順縣志 卷之八

長官司 世襲

田疇 麥答送子襲任

田梭亞只 疇子襲任

田有旺 梭亞只長子襲任

田有成 梭亞只次子襲任

田德 有成子襲任

田興邦 德長子襲任

田興祿 德次子襲任 國朝順治四年隨土司解

册投誠

田晉玉 興祿子襲任

田蓋臣 晉玉子襲任

白崖崗長官司世襲

張那律 元時尚民總管

張海砂 那律子未任

張吉和 海砂子襲任

張依 吉和子襲任

張繼忠 依子襲任

張世業 繼忠子襲任

張大才 世業子未任

張四維 大才子襲任

張四教 大才次子襲任 國朝順治四年隨土司

解册投誠

張應斗 四教子襲任

永順縣志 卷之八

張宗畧 應斗子襲任

長官司 世襲

按舊志載邑地先為吳著送世業彭助吳理以私恩得眾謀逐送送奔猛尚彭復擊以眾送奔樂大慢水向姓素歸彭與彭夾攻吳困斃於吾山後吳為崇彭懼建祠以祀今祠存舊司城土人報賽所必及也又云吳著送乃永順土地神故祀之今縣屬有茄灑土相傳吳著送嘗墮甲於此龍山縣志載梁彭城困斃吳著送於洛塔山巔始末與舊志畧同
土兵徵調

明

天順二年諭彭世雄調土兵會剿貴州東苗

成化三年兵部尚書程信請調永順兵征都掌蠻
宏治八年諭彭世麒調土兵征賊婦米魯

嘉靖二十二年龍求兒叛調永順土兵命彭宗舜及
田應朝率兵入高岳守備彭蓋臣田興爵領兵入椽
木坪守備

嘉靖三十三年調永順土兵協勦倭苗於蘇松
萬歷二十五年東事棘調永順兵萬人赴援宣慰彭
元錦請自備衣糧聽調既而罷之四十八年廷彭元
錦都督僉事先是元錦以調兵三千援遼爲不足立
功願以萬兵往故有是命

國朝

永順縣志

卷之六

土兵徵

十九

康熙十年吳三桂叛踞辰龍關授永順宣慰使彭廷
椿僞印廷椿繳之奉

旨賞其子宏海總兵銜令進剿宏海率土兵協剿有功授宣
慰司印

三十八年乾州苗叛虜官兵數百人把總郎得功陷
焉參將朱統會永保土兵剿之

四十八年鎮筸苗吳老吉等陷德勝營撫憲趙剿之
永順宣慰使彭宏海從征有功

賜敕嘉獎

土司兵事

明

正統中永順保靖二司世相仇殺僉事王信諭以禍
福兵解

正德元年永順與保靖爭地互攻

景德二年辰州諸蠻攻下溪州刺史彭儒猛擊走之
禽酋以獻

國朝

雍正四年桑植土司向國棟與容美永順茅岡各土
司仇殺民不堪命

續修邑志跋後

壬申春章奉唐夔友司馬召勦永順邑乘事書中具

道魏觀察盛意將於墨竣委章傳校郡志也不敢

辭旋因公未即就冬初抵永謁魏觀察昭唐司馬

綱舉目張志事大半就緒且堂屬召應如臂使指心

羨者久之退而見耀廷王參軍少輔張少尉壽生周

少尉理堂丁廣文嶽生劉廣文各舉邑中典故縷縷

述陳若恐章之重勞心力者就館後則有山長玉峯

黃年丈品珊彭同年儒軒李同年子邁蕭廣文安之

熊廣文集堂盧明經瑞蘅柯茂才及同事諸公彬彬

文學皆足佐章未逮以故操觚拭楮一月事舉書成

永順縣志

卷之八

續修邑志跋

二十一

彙呈

大府命曰可愛付梓焉是役也魏觀察示之唐司馬

左之右之同寅同館相與前之後之章從事其間榮

實多焉抑又聞之國有信史將以考政驗俗永邑政

治之興起若此士風之樸茂若此為告唐司馬曰異

日者文物聲明冠越南楚而謂章識見不逮未及於

今豫為表揚章固不為筆墨任咎也嘗冬仲中澣湖

南候補知縣粵東李龍章跋

續易志稿跋後

鑽木未熱得火何階鑿井見泥去水不遠曾家之經傳序次維艱班氏之漢書續成有待溪州邑居叢爾舊志修尚闕如編定以來徒勞二載成功未告奚慰寸心譬諸虞氏簫韶盡美還期盡善擬得周家政事成始尤貴成終手詎八父章難急就書藏二酉史貴搜羅曩延太白仙才李君賢宰繼得考亭奕裔朱氏及門是皆先後輯書悉乃倉皇脫稿壬申冬鶴山李君誠延來纂修志書諳諳以是邦沿草原委就商李君旋以有事倉劇脫稿而去所沿所草究未能詳也余心終不安今年季春以志稿委之及門湘潭朱靈根茂才始稍為考訂之而靈根亦以有事去徒傷文獻無徵守缺抱殘難期雅頌得所加以蛟龍

永順縣志卷之六

續易志稿跋

二十二

鼓浪澤國生災遂教鸛鶴含泥硯池積垢麥既漂矣書可曬乎六月蛟發城中大水一切志稿蕩析無餘莫考圖經編章徒存

固陋難稽掌故典籍大半飄零繼以河內粟移補助

盡心於秋歛自夏徂秋日勞勞於賑卹工程於志乘未暇討論近復及期瓜

代短促迫景於冬陽十月朔奉大府檄知瓜代有人計將解任矣九仞之

山未可虧諸一簣三都之賦詎能需以十年制作難

精蒐羅易缺將欲輯成善本必先究厥根源敢謂辭

仿韓碑點竄堯典舜典竊比例遵詩序補出由儀由

庚倘未能綱舉目張將胡為條分縷晰沿革編數典

忘祖宜粵稽紀載之書沿革志寥寥數語未能博採旁搜參輯全史特增而倍之

以備此藝文志合作不多詎全棄瑕疵之璧藝文中如古近

體詩有瑜不掩瑕者竊易一編典禮未協夫泮水鸞

數語不忍刪節以存其人一編典禮未協夫泮水鸞

旅甚一一定正以備觀禮歷代時風莫識乎玃花蠻

鳥原稿風土志不敘風俗先列氣至若青燈矢苦節

素其序而朝代無稽遺失姓氏者九人良可慨矣他

如紅顏救所天佚其事則賢能莫表李梁氏遂虎救

增志忠義而戰功並舉孫將軍洵列死難之編孫應

列軍功原稿列忠義與紀秩官則姓氏俱湮百年來

如讀逸民之傳秩官傳先後失考姓氏凡茲謬誤悉

就彌縫誤者正之缺者增之可就者因之無徵者闕

之酌繁簡而編之悉殫敢謂筆削之嚴宜泯毫髮之

憾庶幾輜軒備採下邑存風土之編仰見

永順縣志 卷之八

續易志 二十三 稿跋

聖治同文一統會車書之盛

古滇唐虞再識 時癸酉季冬月

